



DU PAIS NIVERNOIS,  
ET DE LA VILLE DE  
Neuers.

**S**ORTANT des finages de Vezelay, l'on entre au Duché Niuernois, arrosé de trois belles riuieres nauigables, sçauoir Yonne, Allier, & Loire.

Le pais Niuernois a pour limites la Bourgoigne au leuant, le Bourbonnois au midi, le Berri à l'Occident, & le Gastinois & la Solloigne au midi.

La ville principale est Neuers tirant son nom d'une petite riuere, dicte Nyeure, (comme aussi tout ce pais) laquelle passe ioignant les murailles d'icelle: lesquelles sont tres-belles, & remparees de grosses tours, à l'en-

l'enuiron:& n'y a point de Faux-  
bourgs.

Il y a vn beau pont à Neuers  
faict de pierre de taille, ayât vingt  
arcades & voulttes d'admirable  
structure.

Le païs Niuernois est riche en  
bestial, & ne se soucie pas beau-  
coup le peuple du labourage, ny  
du vignoble, sinon en quelques  
endroitz.

Iadis y auoit des mines d'ar-  
gent en ce païs, pres vn lieu nom-  
mé S. Leonard: mais elles ne  
sont plus frequentees. Celles de  
fer y sont mises en œuure: par  
ce que le bois y est fort à commã-  
dement.

La Duché de Niuernois com-  
prend sous soy vnze villes clo-  
ses, desquelles Neuers est la Ca-  
pitale, contenant vnze paroif-  
ses: Apres est Desize situee en  
vne isle sur le Loire, Clamecy,  
Don-

Dózy, Molins, Angilberts, Corbigniles s. Leonard. s. Sauge, Luzzi, Premeri, & autres.

Dans l'enclos de Niuernois est S. Pierre le monstier, ville située sur le fleuve d'Alier, & auoisi-  
nant le Bourbonnois.

Il y a Bailliage sous lequel ressortissent la ville dudit S. Pierre, Douziois, Xaincoings Cusset, & le bourg S. Estienne de Neuers. Le reste respond à Neuers & Preuosté d'icelle, comme Charité sur Loyre, Chastel Chinon, l'Ornie & Cosne qui regarde la Sologne,

Neuers fut erigé en Euesché enuiron l'an de nostre Sauueur six cents, & est sous l'Archeuesché de Sens. Le premier Euesque fut S. Are, en latin *Aregius*.

L'eglise Cathedrale auoit esté premierement dediee à S. Geruais, mais le Roy Charles le Chau-

Chauue la feit dedier au nom de S. Cir martyr, auquel il auoit deuotion: & y donna des reliques dudict sainct.

A Neuers y a vne Abbaye d'Augustins, vne de filles sacrees à la vierge Marie, deux prieurez conuentuels de s. Sauueur & de s. Estienne: les cōuent de s. Frâçois, & s. Dominique.

Ce grand & insigne personnage Jean Tifsier ou Textor estoit Niuernois.

---

• DV PAYS DE BERRY.

LE BERRY est voisin de la Touraine, ayant vne infinité de villes & villages, gros bourgs & hameaux, forests & montagnes, ruisseaux, fontaines, vignobles, & pasturages, & fertile en tout ce qui est necessaire à la vie.